



Tužilaštvo BiH podiglo optužnicu protiv deset osoba za ratni zločin u Strpcima

Voz: Optuženi da su učestvovali u otmici putnika koji su se prevozili željezničkom linijom Beograd - Bar 27. februara 1993.



Sjedište Suda i Tužilaštva BiH



Saslušali smo 51 svjedoka i priložili više od 100 dokaza

BORIS GRUBEŠIĆ

"U Srbiji je, također, prije oko dva mjeseca podignuta optužnica i vodi se postupak protiv pet osoba optuženih za ratni zločin u Strpcima. Intenzivna i profesionalna saradnja tužilaštava u BiH i Srbiji rezultirala je pokretanjem i intenziviranjem istraga i podizanjem optužnica 22 godine nakon počinjenog zločina", ističu iz Tužilaštva BiH te navode da su imali dobru saradnju s porodicama žrtava ovog zločina.

Almedin SISIĆ

SARAJEVO - Tužilaštvo Bosne i Hercegovine juče je Sudu BiH podnijelo optužnicu protiv deset osoba, nekadašnjih pripadnika Višegradske brigade Vojske RS, za ratni zločin počinjen krajem februara 1993. godine, prije više od 22 godine.

Kako je saopćeno iz Tužilaštva BiH, tužilac Posebnog odjela Tužilaštva BiH za ratne zločine optužene tereti da su na željezničkoj stanici Strpci, na teritoriji BiH, učestvovali u otmici putnika koji su se prevozili željezničkom linijom Beograd - Bar 27. februara 1993. godine. Svi oteți putnici kasnije su mučeni i ubijeni.

"Nakon zaustavljanja voza cteto je 20 žrtava. 18 lošnjačke nacionalnosti, uglavnom s područja Sandžaka, inače državljanu Srbije i Crne Gore, jedna osoba hrvatske nacionalnosti i jedna arapskog porijekla. Nakon otmice, žrtve su odvećene u školu u mjestu Prelovo, kod Višegrada, gdje su mućene, zlostavljane i opljaćkane, te su nakon toga s vidnim povredama prevezene do mjesta Mušići, gdje su ubijene, a njihova tijela baćene u rijeku Drinu", navedeno je u optužnici Tužilaštva BiH.

Dalje je, između ostalog, na-

Optuženi da su oteli i ubili 20 ljudi

PRONAĐENI OSTACI SAMO ČETIRI ŽRTVE

vedeno da su nakon rata pronađeni i identifikirani posmrtni ostaci samo četiri žrtve, dok se za ostalim i dalje traži.

Inaće, iz ove vrhovne tužilačke institucije na nivou države potenciraju odličnu saradnju s pravosućem Srbije, koja je svojevrremeno rezultirala akcijama hapšenja u dvije države, a potom procesuiranja osoba odgovornih za zločine.

Boris Grubešić, portparol Tužilaštva BiH, rekao je juče da je ovo vrlo bilan korak u razvoju regionalne saradnje, temeljen na protokolu o saradnji.

"Ovo je vrlo pozitivan pomak u saradnji u regiji. Inaće, tokom istrage saslušali smo 51 svjedoka i priložili više od 100 dokaza. Optužnica je poslana Sudu BiH na potvrđivanje", rekao je Grubešić.

Iz Tužilaštva navode da je tužilac Posebnog odjela za ratne zločine proveo temeljitu istragu i ostvario značajnu saradnju s Tužilaštvom za ratne zločine Srbije, što je na kraju i rezultiralo optužnicom protiv 10 osoba.

Imena optuženih

● Tužilaštvo BiH podiglo je optužnicu protiv: Luke Dragičevića (64), Bobana Indića (43), Obrada Poluge (44), Novaka Poluge (52), Dragana Šekarića (46), Olivera Krizanovića (52), Petka Indića (55), Radojice Ristića (46), Vuka Ratkovića (65), Miće Jovičića zvanog Splica i Crni (54).



VIŠEGRADSKA Optužnica podignuta protiv nekadašnjih pripadnika Višegradske brigade Vojske RS

Podsjećamo, 5. decembra prošle godine pripadnici Državne agencije za istrage i zaštitu BiH (SIPA), u koordiniranoj akciji s pripadnicima MUP-a Republike Srbije, uhapsili su deset osoba na području Višegrada i Prijedora, dok je srbijanska policija privela još pet osoba.

Tada je uhapšen i Gojko Lukić, brat haškog osuđenika Milana Lukića.